

# ALL NATIONS GOSPEL PUBLISHERS



[www.angp-hb.co.za](http://www.angp-hb.co.za)



[info@angp.co.za](mailto:info@angp.co.za)

LURAGOOI - *"The Heart of Man"*

# OMWOYO GWO MUNDU

**COPYRIGHT**

ISBN 0 - 908367 - 77 - 5

**ALL NATIONS GOSPEL PUBLISHERS**

**P.O. Box 2191, PRETORIA, 0001, R.S.A.**

(A Gospel Literature Mission financed by donations)

(Reg. No. 1961/001798/08)

# OMWOYO GWO MUNDU

LITEMBELI LIA NYASAYE NAHO LITUMBI LIA  
SETANI 1 YOHANA 3:4-10.

---

Yiki sikiveeye kitabu kihia mba. Chaloleka kutanga mukivala cha Franzi kuvita mihiga 200 javita. Chaaleta vulavu novugaasu vunene kuvandu tsielfu tsinyingi mumioyo javo. Chaatumika kuli cherolero chomwoyo ichavasatsa navakali vanyingi veeloleramu liiva liemioyo javo kuli Nyasaye ahenzanga kujo. Vanyingi vamala kweganira nokuleka vwoni no kunyoola mwoyo muhia na roho muhia muvo.

Lwosomanga kitabu yiki, gakuduukira kwitsulitsa ndi kiveeye cherolero chomwoyo gugwo icha. unyala kuhengeramu nakwelola kuli uveeye. Kali uve uveeye mundu wekivala, naho mundu wirana inyima (wagwa) ulanyoola ipicha yoyo ive mwene kuli Nyasaye agelolaa. Nyasaye siyanzirira vutswa avandu mba. Ahenzanga mumwoyo gwomundu nasiahenzanga mumoni naho ligondo liomuviri gwigwe.

Setani aveeye dada wavaveehi vosi, mwami wekisuu-ndi na umunyasaye werirova yiri. Amanyanga yigirunkannya kuloleka kuli engelosi wovulavu navutswa siaveeye kandi engelosi wovulavu tsana kuli vanyingi vama-nyanga vavugule lifana liepicha tsana vudamano. Kumu-fanannya kuli alolekitsangwa kuva. Kuli mumadiku gaka-kale, kandi ndio lero, vaveveho avatumwa vovuveehi vanyingi avayinziranga novugaadi, vigirunkanyaa kwekola avatumwa va Kristo. Na sigali gokugennya, kigira Setani mwene yigirunkannya aloleke kuli engelosi wovulavu 2 Vakorinzo 11:13, 14. Setani avakulitsanga tsimoni netsing'anagani tsiavandu ndi vavule kulola vuyan-zi vwa Nyasaye, uvutakatifu novwami vwivwe kulirova yiri, nandio sivanyala kulola vanyagulanga tsimbiru kwisuu-nda muvudivi vwemihiga nemihiga, kuduuka mukihena kisambanga nomuliru gwekibiriti. Vekolaa avakutsu ku

Nyasaye navamifa na roho gwomunyasaye welirova yiri Vaefeso 2:2.

Kukivune yiki Mwana wa Nyasaye yaalolekitswa aduke kwononnya miyinzi ja Setani. Kunangwa mwegehizire Nyasaye, navutswa mu hingire Setani naye alamwiruka. Mwisuunde himbi ku Nyasaye naye alisuunda himbi kumwinye." Yakobo 4:7,8.

Lwa usomanga kitabu yiki nokuhenza kutsipicha tsiacho, unyala kwehenza mumwoyo gugwo mwene. Uleke mwoyo gugwo gwenye nagulolwe liiva liagwo. Niiva ulanyoola mwoyo gugwo nomudamano novwoni, utambakana nokwivisa, navutswa uvugirire nawiame vwoni vuvwo. "Nikuvoola sikuveeye novwoni kwegaada avene novulungi sivuveeye mukunye. Nikwiyama vwoni vwetu Nyasaye aveeye musuuviritsi kandi aveeye mulungi kusameha vwoni vwetu nokwogitsa viosi vitali virungi. Nikuvoola sikwayona, kumulola kuva mmbehi, kandi likuva lirie siriveeye mukunye. "1 Yohana 1:8-10. Mwegehitse imbiru womukono gwetsingulu gwa Nyasaye kunangwa asamehe vwoni wenyu nokuvwogitsa namasahi ga Yesu Kristo.

Wamehangwa na Nyasaye naho na Setani. Uveeye mutugwa wovwoni naho mutumwa wa Nyasaye. Niiva uvwoni vwamehaa livamwoyo lirio, utambakana mba. Ulirire Nyasaye unyala kukukola uve muvoholole mu Yesu Kristo watsa mulirova kuhonya avoni, kukunula vavoku tsimoni, kukutulitsa mukisuundi nekisuundi kitule mukunye. Yaatsa kukuleeta muvulavu vwivwe woku-gennyanya. Yesu yaatsa kukuvoholola kutula kuvwoni vwetu. Yive usingiranga imbiru wa Nyasaye mutakatifu alolanga nokumanya viosi vievisa muyive, vikolwa, kandi tsiganagani. Siunyala kwivisa naho kuvisa vikoiva vivio mu Nyasaye. Uyu ya simika ugutu, sialahulira? Na wa lomba imoni, sialalola?

"Kigira tsimoni tsitsie tsiveeye kutsinzira tsiomundu, naalolanga ligenda lirie liosi. Sihaveeye nekisuundi kinga kiriiri cherikutsa aha vanyolanga lievisa, yavo avakolanga uvuchamu." Ayubu 34:21-22.

"Kigira tsimoni tsia Yahova tsitulira yiyi neyiyi kulirova liosi kulielangaminyanya kuva netsingulu kuluvega

lwa yavo avemioyo javo jiveeye midukuru kuye.” 2 Kye tsinyinga 16:9., Yohana 2:24.

Aveeye novugasu uyu wama hioli gege gasameheywi nowovwoni vwivwe vukunikiywi Aveeye nobugasu mundu uyu wa Yehova avulanga kвалитса kuye vuchamu kandi uyu wovugaadi vutali mumwoyo gwigwe.” Zabur. 32:1-5 (Sooma kandi Zaburi 51) Yesu akiranganga kuduuka lero: “Hambi ino mwinye mwosi avanyanganaa kumiyinzi midinyu navaminikaa, nainze ndamusootsa.” Matayo 11:28-30.

### IPICHA YO KUTANGA.

Ipicha yiyi ivuulanga mwoyo gwomundu utasuuviraa nauveeye novwoni, kandi wayanza vielirova yiri, ave mundu musatsa naho mukali wamehangwa na roho gwelirova yiri mulikayirwa neriegomba liombiri. Yiyi nipicha imannyanga cherolero cherigali chomwoyo gwigwe kuli Nyasaye agulolaa. Tsimoni tsitsie tsitaanya kandi tsia-yakanya, tsimannyanga uvuhambiki vwivwe. Sooma Tsing'ano 23:29-32.

Ni vwaha ukupanga luvi?

Ni vwaha uvolanga ba yaye?

Ni vwaha uveeye nelihingana?

Ni vwaha uveeye nelikenya?

Ni vwaha uveeye netsingoma vugira kivune?

Ni vwaha wa kanya tsimoni?

Ni yavo avahongera kunwa amalwa: Ni yavo avatsitsanga kwenya viokunwa via yengwa. Ive utahenza iwaini ni i veeye inzakanyu, lwa lilolekanga mu kikombe, lwa li tulukanga inzaku. Ku kiheri ilumanga. Inzoka nokusaleritsa kuli kihirigoma.

Hasi homutwi unyala kukola mwoyo gwomundu mugwo tsinyama lugano lugano uvuveeye mumwoyo gwomundu. Mwoyo novumenyo vwovwoni vwetu. Nyasaye avoolaa; “Mwoyo yigwo nugwovugaadi kuvita vindu viosi, guveeye novudekeranu vuvitiiruru: Unyala kugumanya?” Jeremia 17:9. Yesu mwene yavoola ndi: “Kigira vitulaa mugati mumwoyo gwa vandu tsing'anagani tsindamano, nokutsia mmbakaana, nokwiva, nokulumiinda, nokuheya, nokukaayirwa viaveene, nekirage, novugaadi,



## MWOYO GWO MWONI

novuhuuvali, neemoni ndamano, nokunyega nokwigingira nokusiruhala. Vindu yivi viosi vidamano vitulanga mugati, nivikolaa mundu ave mudamano. Mariko 7:21-23.

### LIGULUGULU.

Kiroombe chokutanga mupicha ne-Ligulugulu. Linyonyi yiri liveeye namavaha agalimannyanga magondo lugano kandi likuumbalaa neriegingira. Na hano lirolekanga kuvwoni vwokwigingira. Lusiferi engelosi wali

mmbake maguta, wali musingi wovulavu vwa Nyasaye, yaagululwa kutula mwigulu kigira kirage manaagwa musigu wa Nyasaye naye ni Setani. Isaya 14:9-17.

Kirage kirolekeraa mutsinzira tsinyingi. Avandu valala vigingiraa kigira vutugi vwetsirubia, mitugu jetsing'ombe namagoondi, mulimi, tsinyumba tsiovuguli vunenene naho tsinguvu tsiovuguli, mumponi mwavo mulahi nemiviri javo ijavamanyaanga veerolekitsa mutsinzira tsietsisoni. Avalala vafunyanga uvuguundu neliegingira kigira luhia lwavo nirwo lwigulu, avandi kigira vaasooma lisooma ligulu, navandi kigira vaveeye netsingulu tsiovulamumu, nagosi agavakoola mukivala. Avandi kigira irangi yeligodo liavo nevindi vinyingi. Valala vageritsanga kwegaasitsa niviviika tsibangiri, tsinono mmatu gaavo, kukala tsimogero nokusaata tsisate, vakalaga mmbiri nokuwgononnya ulwa Nyasaye yagulomba muterere.

“Nyasaye ahingiranga avigingiri, navutswa avegehitsi avahetsaa tsimbavasi.” 1 Petro 5:5.

“Liegingira noluyaayi Nyasaye yavisuula.” Tsing'ano 8:13.

“Luyaayi lwimiriranga lidiva, nomwoyo gwokwiginigira gwimiriranga ligwa.” Tsing'ano 16:18.

## **IMBWA**

Imbwa imannyanga liegomba liombiri, novudamanu, namalaya, novuheyi. Hosi heimbwa itsitsanga yivivikanga mumalaya. Avandu vanyingi vaveeye kuli ndio. Hosi havandu yava vatsitsaa vageritsanga kwihira kuvandi nokuvayanzitsa, mundu musaatsa ku mukali no mundu mukali kumusaatsa, ndio nandio. Amalaya novuheyi wakiri madiku hekiheri nekifavwi yaga. Avasooleri valala kuli sivanyala kwegaya, kali avasaatsa navakali avahirana (avasereranga). Kali avakunzakali vaamenyi muvuheyi. Uvwoni vwa Sodoma vwagumiyi livamwoyo liavandu tsielfu tsinyingi kuduukitsa likuva lia Yesu yavoola agaliitsa kukoleka ndi, mumadiku gekiheri galava kuli muningya ya Sodoma na Gomora. Avalogooli halala ne tsihiri tsindi valanganga mmundu muheyi inyama; kuli “imbwa”. “Avandu kuli yavo sivanyala kwingira muvwami vwa Nyasaye kigira ichova tsiveeyeyo tsimbwa, navakumu

navaheyi, naviiti, navasigamira misambwa navosi avaya nzanga kuvoola vuveehi. Likunula 22:15. Kunangwa MWIRUKE liitsia mmbakana neliitsia mmbayayi. "Uvwoni vwosi vwomundu akolanga vuveeye kumbiri igulu navutswa uyu utsitsanga mmbakana, akolanga uvwoni kumbiri gwigwe mwene.

Si mu manya mu veeye litempeli lia Nyasaye, kandi Roho wa Nyasaye a menya mu mwinye? Ku vosi mundu ni yononnya litempeli lia Nyasaye, Nyasaye a la mwononnya; Kigira litempeli lia Nyasaye li veye litakatifu, nalia ni mwinye. 1 Vakorintho 3:16-18. Kandi Somaa 6:15-20.

### INGULUVE.

Inguluve imannyanga vwoni vweli hambika novuviti. Inguluve iritsanga chosi chenyooye. Sietovolanga kirahi nekidamano mba, kandi ndio avandu valala valitsanga inyama ikutsi yene novulwaye, naho kumigwa, aveene yavo valitsanga malasiri (masaahi) netsimbeve netsimbu-ku nevindi via Nyasaye yavoola kutalia. Vikolwa 15:20. Isaya 66:3-7. Kuhenda kugeene yaga. vahiranga miviri javo mukifavwi chovuheyi, litempeli lia Nyasaye, kulia indama, naho kungusira indama muliulu naho kunwa sigara nenasooli. Vindu yivi viononyaa nokuvika isumu mumasaahi, nukuviiririra kuduuka mulinala liovwoni. Setani avavohanga mulienya linwa isigala, navutswa mutsingulu tsia Nyasaye tsieng'ine mundu anyala kuvohololwa kutula mumwima mudamano yigu. Avang'elele nahahindila sivalolaa ku nekindu niiva vahambika neviokunwa vihambikitsanga kuli amalwa ga "beer" namalwa ga woriji, ewaini, na "brandi" mba. Navutswa kusomaa muhambiki sialingira muvwami vwa Nyasaye. Amalwa sigaveye chokulia, navutswa ga veeye chokunwa chelikutsa. Amalwa gafwogoyitsanga mundu nokusalannya tsieng'anagani. Avahambikanga vakolaa vindu kuli vandu vayiingu navaheyi kali kuduka valuha viitana. Nivavula kunwa malwa sivanyala kukola ndio mba. Tsieng'ano 20:1 "Iwaini i veeye yekihenyahenye, chokunwa kilulu ki kola liyoga, na uyu ugadwa mu vindu yivi siaveye novugeeri." Mu malago ga Musa niiva mundu aveeye nommwana muhivali nomuhambiki, gaadukira mwana uyo alaswe namagi-na kuduka akutse. Kwitsulitsa 21:18-21.



Avayeenga amalwa neviokuhambikitsa vindi viosi, va veeye vutswa avadamano kuli yavo avagulitsa nava-nwetsaa, kigira likuva lia Nyasaye livolaa, "Uvudamano vuveeye kuvo avetsingulu tsiokunwa iwaini noku avetsingulu tsiokutsukannya viokuhambikitsa." Isaya 5:22. "Uvudamano vuveeye ku uyu uhetsanga mutende wewe chokunwa, uvikanga uvusungu vuvwo mueho, nokumu-hambikitsa uduke kuhenza chahonyo kiche." Habakuk 2:15.

"Mutagadwa: avatsia mmbakana, kinga avalondanga misambwa, kinga avaheyi, kinga avagwa avakali, kinga vafiraji, kinga avivi, kinga avakayirwa viavene, kinga avahambiki, kinga avanyegi, kinga avanuuli, sivanyala kunyola uvwami vwa Nyasaye." 1 Vakorintho 6:9-10.

"Kunangwa miyinzzi jombiri jiveeye havulavu, najo: Namalaya nekifavwi, kutsia mmbakana, nokusigamira misambwa, novukumu, novusigu,nerihing'ana, nembodoka, novutima, namahangali, nokwavukana, nokwikala vidieri, nelikendeka, novuhambiki, nevindu violuyai, nevindu kuli yivi Yava avakolanga vindu kuli yivi sivalinyoola Uvwami vwa Nyasaye." Vagalatia 5:19-21.

"Mutahambika iwaini (malwa) iveeye nekivihiri, navutswa mwitsuye Roho." Vaefeso 5:18.

Ku lidiku liekiheri, lidiku linene lielilia, Yesu ya singira na agamba, na a vola Mundu na ava na aveeye novulu-luhu, yatse ku inze anwe. Uyu usuuvira inze, kuli mang oda ga volaa, Jilatula mmwoyo gwigwe imigera jamatsi jeliva mwoyo. Yohana 7:37,38.

"O mwinye samulala uveeye novulu-luhu, hambi kumatsi na u veeye vugira ifedha; hambi, mugule, mulie, yee, hambi mugule iwaini namaveere vugira ifedha navugira vuguli. Kigiraki mutunganga ifedha kukitaveeye chokulia nokutungu miyinzzi jenyu ku yicho kivula kwigitiza? Isaya 55:1,2.

## LIKUDU

Inyama igendanga galaha yiyi irolekitsa uvwoni vwovugata, nokulindagira novukumu. Uyu uveeye mugata agwitsaa mumageritswa manyingi. Ayanza kwiiva kuvita kuyinzira miyinzzi. Handi likola yiri limuduuki-

tsaa kali muliita mundu. Uvugata vwomwoyo vukwigalira kuvula kusaala, kuvula kusooma Ibaibeli, kuvula kuvugaana, kandi vukwigaliraa kuvuula kwenya likuva lia Nyasaye mulio liakunyoolaa uvulamu vutahera mba. Kulindagirira nomwivi weng'inga nayimiranga kuduuka muvwoneku. Lwa Nyasaye amolomaa kuyive umuhe mwogwo gugwo kalunu, Setani naye anyagulaa vwangu kukuvolera tanga ulinde kuduke mugamba naho lidiku lindi, halikanyingi lidiku tsana silita dave. Umanyaa uhongera kusuunda kulidiku lindi nanigavita ndio, kuduuka lwelikutsa likunyoola nutamanyi ma ukutsa uvwoni vugira Nyasaye kandi vugira Kristo. Ma Nyasaye avoolaa "lero nimuva nimuhulira mwogwo gwigwe, mutadinnya mwogwo jenyu." Vaebraina 3:7,8.

Kigangala chelikudu chatumikilangwa navakumu halikanyingi kigira gene yaga chaleng'anywa novwoni vwakusuuvira uvukumu novasegetiri muvugono vwokusuuvira Nyasaye uveeye mwogwo. Muvugono vwokwanira Nyasaye uveeye mwogwo mutsinyinga tsiovulwaye nekivi, avandu vasuuviraa muvigolongonzo vie vindu kuli vigo-logalo, viguumba viotunyama lugano lugano, imiri jemi-saala, tunyonyi twominywa nevindu via vakumu vagadilaamu lwagavaduukiraa kusuuvira mu Mloombi wavo no Musooli wavo. Nyasaye yalaga avaana va Israel navola Utaleka mukali mukumu ave mwogwo. Kutwula 22:18. Hatanyooleka halala niive mulala Kwitsulitsa 18:10-12 Chavalevi 19:31. 20:6,7. Zaburi 103:1-3. Yesu Kristo niye yeng'ine Muhonyi womwoyo, roho nommbiri asamehanga uvuchamu vwosi nokuhonnya tsinkutsu tsiosi. Yakobo 5:14-16.

Lwa usomaa kitabu yiki Nyasaye amolomaa kuive, kukuvolera wiganire uvwoni vuvwo nakuhaana kuye livamwoyo lilio navutswa mwogwo gwerikudu guveeye mu ive guvoolaa: Utahiuhukana mba, utehaana kalunu mba tanga ulinde kuduuka mugamba lisitsa litsa: Oh, muhiga gutsaa nevuahi tu, tanga uvolere kumusatsa wowo, naho uteve agomukali wavo naho dada wovo avoolaa ulinde utange kuserela naho kusererwa kali utange kwaalukitsa avana vovo. Muvugono vwokuhulira mwogwo gwa Nyasaye, uyekitsanga amatu gogo kumwoyo gwomugadi Setani

Mulikola ndio udinnyanga mwoyo gugwo kuduuka lwa guumilalananga kuli kegongolo cherikudu.

### ENGO

Yiyi ni inyama indulu kuvita siang'inga yenyanga kutahitsa masaahi. Erolekitsanga uvutima, mwoyo gwo vululu, liluminda, nelishionolannya. Mundu wosi wamehanga novulumindi nomwoyo gwovutima yimirangwa kulikola lidamano, kwisuha nokunyegana kali amanyaa aluha yiita. Tsin'inga tsiosi mundu uyu anwetsaa malwa, naho warigi nomwoyo gwene, yigwo kuduuka avola tsing'anagani tsiokwelinda mwene. Avandu aviiti, vanyingi vatsitsaa kunwa kunangwa amalwa gavahe avuluviliri uvwokukola uvuchamu naho kuvanza kisaalia. Kwitsulitsa 32:33. Livanza kisaalia liveeye lirahi kumwoyo gwovwoni. Navutswa Nyasaye niye muvanzu wekisia chetu. Yesu yavoola: Muyanze vasigu venyu Nyasaye yakusuuviritsa kukusameha amahiolo getu nikuva nikusameha avakugoseraa. Soma Zaburi 37:8. Kohelethu 7:9, 11:10 Tsing'ano 27:4 Vakolosai 3:8.

### ENZOKA

Mulitanga enzoka yiyi yaali yerigoondo lirahi ma yamanya nigaada Adamu na Hawa mumulimi gwa Edeni kwononnya vuyanzi vverihuliritsana nelisaanga liavo na Nyasaye. Setani yitsula embodoka lwayalola Nyasaye nyanzi mundu nomukali wokutanga kulirova muvugono vwengolosi Lusiferi mudamano (Setani) mumbodoka yiyi Setani yalohitsa managuuta kwononnya imbulirani yokugennyanya yelimenya liomundu na Nyasaye. Uvudamanu vwembodoka tsana vuveeye mumwoyo gugwo nelivamwoyo lirio kwigalira vuyanzi vuvwo, lwavandi vaveeye novuyanzi navamenyaa mulieremiritsa. Kali avakristayo avayinziriranga Nyasaye, gavaduukira kuhenza vulahi anoho mwoyo gwolugano lwembodoka yigu gulavagumira lwa Nyasaye agasitsanga vache vavo kuvavita kuli Nyasaye mwene atovolaa. Embodoka iretanga tsing'anagani tsindamano tsinyingi mumwoyo gugwo kulega avandi, kuvononyera uvuyanzi vwavo nokwita avodunyira. Embodoka naho vutima hagati homusaatsa nomukali vinyala kusalaanya inyumba yavo nelimenya liavo lirahi. Embodoka eveeye indulu kuli kilindwa. Lwimbu lwa S. 8:6.

## LIKERE

Likere likombaa vudohi naho lirolekitsaa uvwoni vwovuviti novuyanzi vwetsirubia novutugi viveeye kiti-nya chovudamano vwosi. 1 Tim. 6:10. Amakere gandi mukivala cha Congo galitsaa tsisevaa namage galuha gaa-dika vifu magakutsa kigira vuviti. Mundu uveeye mmbiti sianyala kuyanza kusanga lihaana kuvadaka navadaambi mba. Ageritsanga mutsinzira tsiosi kuvulungi naho ku-vutali vulungi, kuvungitsa nokunyoora vutugi vwerirova yiri, mutsinyinga tsingekeke vutugi tsana vuguunda ne-tsisere tsilia naviivi viiva. Ku Yesu yakuvolera kuviki tsikiiba tsietu mwigulu haviivi vatavunannya nokwiiva kigira ahaakiba yoyo eveeye niho homwoyo gugwo guso-serangaho Mat. 6:19-21. Akkani navenyumba yeye vadiva kigira yayanza ifetsa netsahabu netsinguvu tsiovuguli na-vugula ichalaamwa. Josh. 7 Yuda Iskarioti m w e g i wa Yesu, yadiva kigira yayanza tsirubia kuvita Yesu. Matayo 27:3-5.

## SETANI

Yesu yavoola uyu niise wavavehi vosi avavolanga uvugadi. Aveeye mwayi wetsinyama tsiosi nomwamihi womwoyo. Yohana 8:44. Yesu yavoola: "Mwinye mu veeye wa dada wenyu Setani, kandi likayirwa lia dada wenyu nilio lia mu lalira kukola. Aveeye mulumindi ku-tula mulitanga sia singira mu ageligali, kigira si aveeye nageligali muye. Lwa avolaa uvuvehi, avolaa ku via a veeye navio kigira a veeye muvehi, kandi ise vuvehi."

## ENG'ERENG'ANI

Eng'ereng'ani irolekitsanga tsing'anagani tsimenyaa mumwoyo gwomundu. Hano tsing'anagani yitsi tsianiwa-minywa novwoni, miima michamu, kuduuka tsing'anagani yitsi tsivula kudukitsa muyinzi gwatsio gwovulungi. Va-hebraina 10:22.

## EMONI

Emoni ya Nyasaye iveeye hosi irolaa vindu viosi vi-veeye mumwoyo. Sikiveeyeho ikinyala kuviswa kutula kumoni ya Nyasaye imulikanga musu. Ku amanyaa alola tsing'anagani tsiosi tsio mmbuvisi tsiomwoyo gusaaviraa kukola. Kali ukole vuchamu vuvwo mukisuundi vudiku,

mmbulimu vwavoha, kali hosi ahaulolaa nahadinyu. Nyasaye akulolaa.

## ENGELOSI

Engelosi imannyanga likuva lia Nyasaye. Nyasaye amolomaa nomwoni wagaadwa, amuvoleraa yiyame vwoni vwivwe naaleke vulavu ywa Nyasaye wingire mumwoyo mumwamu. Kali ive usoomanga, Nyasaye amolomera mukitabu yiki kuive.

## LIKUULU

Linyonyi lihooma neliavandu vatugaa yiri, siriveeye nekiihiri, liveeye kirolero cha Roho Mtakatifu, Roho werigali ulolekitsanga havulavu uvwoni, nagerigali nerikalamwoyo. Sianyala kumenya mumwoyo gwovwoni vwamegirwa. Mupicha yiyi Roho Mtakatifu aveeye ichova woha mba.


## TSINIMI TSINGEKEEKE TSIO MULIRU

Tsinimi tsingeekeeke tsiomuliru tsiavodong'ana mwoyo gwomwoni tsirolekitsanga uvuyanzi vwa Nyasaye ukumbiritsanga mwoyo gwovwoni, kigira Nyasaye siyenyaa likutsa liomwoni navutswa yenyanga mwoni yegani ahone. Yesu yaatsa kuhonnya voni. Vuvetsanga vusangali vuningi mwigulu lwomwoni yeganiraa. Nyasaye yenyanga kwogitsa mwoyo gwomwoni namasaahi go Mwana weve muderwa Yesu Kristo, wetsinimi tsingeekeeke yitsi tsirolekitsaa mupicha. Vuyanzi vwa Nyasaye wenyanga kwingira mumwoyo gwatsirira nogwakutsa.

Yesu asingiranga hamuliango gwomwoyo niyigulihi-tsa. Niiva wigula kuye aliingira mu nayogitse mwoyo gugwo nagukole kuva muvoholele.

## IPICHA YA KAVIRI

Ipicha yiyi imannyanga mundu utangaa kwiganira ukwenya Nyasaye. Engelosi agimiranga kivaavi, nacho nelikuva lia Nyasaye, liveeye liangu nerietsingulu nerigi kuvita kivaavi chetsimbega tsiviri, kandi litumitanga kuduuka kwavukannya mwoyo naroho, neviungu novuhaali, kandi liveeye liangu kumanya tsing'anagani novulaliri vwomwoyo. Vahebraina 4:12. Likuva lia Nyasaye litulitsanga mundu ndi madanyi govwoni nirikutsa; mali-



## MWOYO GUMALI KUKALAGIRWA NO GUVUGULIRANGA LIKALAGA

manya ndi mundu alakutsa lulala, nenyima welikutsa. likalagirwa. Vahebraina 9:27. Lisanga liomwoni nomundu utasuuviraa lirava munyanza yomuliru gusambanga nekibiriti.

Mu mukono gundi engelosi ugumiye kihaanga chomundu, vigumba viakutsa vio mutwi. Yiri liegitsanga mwoni ndi kwosi kulakutsa. Mmbiri gwetu gwakayanza mbitira, ugwa kugotitsiraku vweyangu vunyingi nikuguviika, nikugulihitsa, nikukola chosi chakunyala kuduukitsa liegomba liagwo, mmbiri yigu gulakutsa nagugunde. Tsing'ende tsiragulia navutswa mwoyo naroho jetu jirakaloleke imbiru wenteve yerikalaga lia Nyasaye. Umwoni yakatanga kuhulira likuva lia Nyasaye liokweganihitsa, nayigulanga mwoyo gwigwe kuvuyanzi vwa Nyasaye. Roho Mutakatifu atangaa mumulika mumwoyo gwekisuundi. Vulavu vwa Nyasaye vutangaa kwingira nokukunga kisundi chosi. Ahovulavu vwingiranga, kisundi kihaalanga. Uvuyanzi vwa Nyasaye vulahi vutangi kuvukitsa mwoyo gwatsirira. Uvwoni vwaleng'anywa netsinyama lugano lugano vunigiywe kuhaala.

Ive uveeye netsimbi, uvugirire Yesu uveeye uvulavu vwelirova yingire mumwoyo gugwo makisuundi nevikolwa viekisuundi vilatula mumwoyo kuli uloli mupicha. Yesu yavoola: "Inze nivwo vulavu vwavomukivala, unondanga sialagenda mukisuundi navutswa alava novulavu vwelivamwoyo. Yohana 8:12.

"Uvudamano vuve kuyavo avayanzanga miima jekisundi kuvita vulavu." Lwa Yesu yingira mulitembeli Yerusalemi, yaakuunga avaali nivagulitsanga, tsiraaho, magondi namakuulu natung'aminya tsimesa tsianagulanyi netsirubia navoola, "Inyumba yange neinyumba yokusaa-la, navutswa mugerombi luhangaywa lwavanuuli." Matayo 2:12,13. Inyumba no mwoyo gugwo. Yesu siyayitsa kusaameha uvwoni vwetu vwengine. Yaatsa kukuvohoolola kuve avavohoolole kutula muvuhambe vwovwoni. "Kigira yiki Mwana (Yesu) nava namuvohoolole mulava avalaakuule veligali." Yohana 8:36.

### **IPICHA YA KAVAGA**

Hano kulolaa ipicha yomwoyo gwo mundu umali kweganira ligali. Ahuliranga nokulola vudamano vwovwoni vwivwe vunene uvwa Yesu yakutsira kumusalaba. Lwalolanga musalaba gwengelosi, agumiye kandi likuva lia Nyasaye, livuulanga kuye ndi mwoyo gwigwe gwavunika. Uvuyanzi vwa Yesu Kristo uvwaloleka kigira li-



## MWOYO GWEGANIRANGA

kutsa, vuhenditsanga mwoyo gwigwe, kuvita lwayitsu-litsanga ndi Yesu Kristo, Mwana weligondi wa Nyasaye yatsa kutwulitsa tsimbi tsitsie tsinyingi, manavugirira kukutsa kumusalaba mmbugono vwivwe. Likuva lieligali liveeye Yesu yakindukitswa netsinkova naaviika itaji yamafa, nakongonderwa misumari mumakono nevirenge, nasungwa kumusalaba, kigira vwoni vwetu, yirio lihenditsanga mwoyo gwomundu uyu wowwoni umali kweganira.



Lwasooma likuva lia Nyasaye nokuhulira yerolanga mwe-  
ne mucherolero cha Nyasaye makandi yitsulitsa kuli  
mwoyo gwigwe guveeye mukisuundi novwoni, yago gatu-  
mitanga mwoyo gwigwe naroho guveeye novuveereri gu-  
mukolanga kulira kigira uvwoni vwivwe navutswa Nya-  
saye yisundanga ahimbi kuye. Uvuyanzi nemirembe ja  
Nyasaye jingiranga mumwoyo gwigwe ugwamasaahi ga  
Yesu Kristo gogitsa kutula kuvwoni vwosi. Atanganga  
kulola kalunu Nyasaye aveeye himbi kuyavo avemioyo  
jivuniki nahonnyanga yavo avavuniki mwoyo. Zaburi  
34:18. Ahonnyanga evemioyo javunika naavohaa tsing'o-  
ma tsiavo. Zaburi 147:3. Kandi likuva lia Nyasaye livoo-  
laa: Kumundu uyu ndamuhenza, uyu uveeye mudaka  
mumwoyo gwerieganira udegeranga kigira likuva liange.  
Isaya 66:2.

Roho mutakatifu novuyanzi vwa Nyasaye vujagi ku-  
vugula vweyangu vwosi vwomwoyo gutakaseywe. Lwa  
henzanga nelisuuvira kumusalaba namasaahi ga Yesu,  
agasundukaa kulisamefa liovwoni vwetu. Makalunu ajaga  
kulola nni vwivwe uvwoni vusameheywi, naanyoola lisuu-  
viritsa mumwoyo gwigwe ndi masaahi ga Yesu, Mwana wa  
Nyasaye gogiitsi vwoni vwivwe vwosi. 1 Yohana 1:7. Uyu  
usuuviraa mu Yesu sialadiya, navutswa ave nelivamwoyo  
litahera. (Sooma 1 Vakorintho 6:10,11) Mu Yesu kunyoo-  
la uvuhonyi mumasaahi geege, lisamefa liovwoni, kulwa  
uvwitsulu vwetsimbavasi tsitsie, Vaefeso 1:7. Kalunu Ro-  
ho muhia guveeye mumwoyo gwigwe; nokutula kalunu  
kutsitsagirira sialayanza lirova ne vindu vierirova, navu-  
tswa aleenya vindu via Nyasaye, umali kwitsulitsa mwoyo  
gwigwe novuyanzi vwivwe. Tsinyama, itsiveeye uvwoni  
vwivwe, kalunu tsiveeye ichova womwoyo, kali Setani  
akirindagiye kutulamu, yekevukaa inyima kulola lwanga  
lwanyala kwirana kwingirira mumwoyo tsana kandi.  
Kunangwa kuvolerangwa kuliinde nakusaale, kunyoola  
tsingulu tsiokusingira nokuguuta musigu aduuke kwi-  
ruka kutula kukwinye.

### **IPICHA YA KANE**

Ipicha yiyi imannyanga kuli Mkristayo umali ku-  
nyoola mirembe mu mwoyo gwigwe novuhonyi vweligali  
kigira liehaana lia Yesu Kristo. Kunagwa siasangaliranga

Kuvaambwa  
naye Vagal.  
2:20. Muvee-

ye avakutsu  
kuywoni na-  
vutswa mu-  
veeye mwoyo  
ku Nyasaye  
mu Kristo  
Yesu.



## GWAVAAMBWA NA KRISTO

kindi kindu nitali kumusalaba gwa Yesu Kristo, muye lirova liavambwa kuye, naye yavambwa kigira lirova. Vagaratia 6:14. Mkristayo uyu alolanga nageligali Yesu yaa-kutsa kumusalaba ndi, kunye kandi kuve avakutsu ku-wwoni nakumenye muvulungi. 1 Petro 2:24. Mkristayo aveeye muvambe kulirova. Kulagangwa kugenda muroho

navutswa kuvule kuduukitsa lienya liombiri. Vagalatia 5:12-25. Kandi kuvolerwa kulonde vutakatifu: nigatali ndio sihaveeyeho nomundu ulirola Nyasye. Vahebraina 12:14.

Mumwoyo gwepicha yiyi unyala kulola kigutu cha vavohaku Yesu nemigoye kwavaali nivakamukalagira nokumunaavula tsinguvu tsitsie. Kandi unyala kulola tsinkova, tsiavatumikira kumukuya vudamano, kigira uduukana kumanya uvukinduki vwa Yesu yakindukitswa vwali vukugwiire ive navutswa yavuvugula. Isaya 53:11-12. Yaasaliritswa kigira uvwoni vwetu. Herodi mwami navandu veeve vaamukolera kihenyehenye lwavaali niva-kamukuya, vaamuviika igaanza inzakanyu. Lwavaali ni-vakamala kunava itaaji yamafa, vaagiviika kumutwi gwi-gwe muvugono vwetaaji yethahabu. Vaavika kiduundu mumukono gwigwe mulungi muvugono vwembimbo yo-vwami. Vaasigama masigamo imbiri weve nivamukolera kihenyehenye nivavoola, "Yitsominywe mwami wa Va-yuda." Vaamututsira a mate nivavugulaa kiduundu chali mukono nivamunwekera kumutwi. Vaveeyeho avandu vanyingi avirangaa vakristayo avasaala mumakana-nisa, valitsaa lisavo lio Mwami, vimbaa tsinyimbu tsia Nyasaye, navutswa vikolwa viavo vichamu vivambanga Muhonyi wavo ulwakaviri kandi. Si valingira vosi mvwami vwomigulu avambolera Mwami, Mwami, navutswa uyu ukolaa uvulaliri vwa Dada u veeve migulu. Matayo 7:21 Kandi unyala kulola imuya ya Yuda yetsirupia mupicha tsana. Yuda yatsaama Yesu manamugulitsa vidonye 30 viefetsa, kigira liyanza tsubia liali liavugula mwoyo gwi-gwe gwosi naliafuuma mwoyo gwigwe mutsing'anagani tsietsirubia tsieng'ine. Tsitaya neminyororo nevindi, viatumikirwa navasikaari avagumira Yesu vudiku. Kandi vaatunikara kukuba tsikuula kutsinguvu tsitsie, kuduukitsa ling'ana lia Nyasaye liayavoola nomunwa gwa Va-profeti, "Vaagavulira tsinguvo tsiange hagati havo na va kola ikura ku inguvo yange".

Musikaali yaamutumita neritimu mutsimbalu tsitsie nonoho masahi gatula namatsi. Yohana 19:33-37. Idaywa nikikiri kulagula Petro yaambakana Yesu imbiri wo mu-ganda, navutswa inyima, Petro yeganira namaliga. Wi-

yamanga Kristo mumang'ana nevikolwa? Yesu yaavoola, "Mundu wenya kunonda, yigaye mwene na avugule musalaba gwigwe anonde". Matayo 16:24. "Kandi uyu uvula kuinga musalaba gwigwe nokunonda inyima wange, siaduukana ninze." Matayo 10:38.

Yesu uveeye lwanda,  
Nyenyaa kwivisa mu Ive  
Amasaahi na maatsi,

Agaatula mmbalu  
Galahonnya vositsa,  
Veganira kuyive.

### IPICHA YA KATANO

Hano kumannyangwa livamwoyo liomwoni wogitsa nawatakaswa nerikira liovuyanzi netsimbavasi tsia Nyasaye. Kalunu aveeye litembeli lieligali lia Nyasaye uvumenyo vwa Nyasaye Dada, no Mwana na Roho Mutakatifu, kuli ipicha ya Yesu Kristo, "Mundu nanyanza, alagumira likuva liange, na Dada wange alamuyanza nakwinye kulaatsa kuye, nakulamenya naye." Yohana 14:23. Mu Yesu Kristo, Nyasaye agasitsaa mundu no kumunenehita no kumugoha, kandi ayanzitsaa umundu. Luka 1:52.

Kalunu mwoyo guumali kugwa litembeli lia Nyasaye uveeye mwoyo. Uvwoni vwosi vwatulitswa. Muvugono vwe tsinyama lugano lugano mumwoyo gwomundu, (uvwoni) itsiamhangwa na Setani dada wovuveehi vwosi, kulolanga Roho Mutakatifu naamenyi mumwoyo tsana. Muvugono vwevikolwa vidamano viommbiri, umwoyo gulolekaa kuli mulimi gweviamo, naho musaala gwamaa matunda malahi: Uvuyanzi, uvusangali, mireembe, uvuhocha, uvwikutsiri, tsimbavasi, novulungi, uvusuuvirifu nokwirinda namatunda gandi agayanzika ku Nyasaye navandu. Mundu uyu kalunu wakava lusia lulahi lwomutsabibu gwamanga, mutsabibu ni Yesu Kristo. Kindu kinene ikikolanga yaame matunda, nokumenya mu Yesu Kristo na Kristo kumenya muye. Yohana 15:1-10.

Kandi aviikanga likuva lirie mumwoyo gwigwe. Naa-mali kwitsulitswa na Roho weligali kalunu aveeye novunyali kuguta mmbiri nerikayirwa liagwo nakuvamba mbiri tsana neriegomba liagwo. No vunyali vwa Roho Mutakatifu, kalunu aveeye netsingulu kugenda mu Roho. Siamenyaa muvialolaa, iviahuliraa neviaganaganaa, navutswa amenyaa mulisuuvira; kigira lisuuvira mu Yesu

Uvuyanzi  
Novusangali  
Nemirembe  
Novwikutsiri  
Netsimbavasi

Novulungi  
Novusuuvirifu  
Novuhocha  
Nokwelinda

V a g a l. 5:22,23.



## LITEMPELI LIA NYASAYE

Kristo liveeye tsingulu tsiokuguuta lirova yiri. Amenyanga mulihenzerere lisuuviritsa madinyiritswa nelisuuviritsa limenyanga lieriitsa liakaviri lio mwami wetu Yesu Kristo. Amenyanga kulisuuvira nomuvuyanzi vwa Nyasaye uvumenyanga mihiga nemihiga.

“Vaveeye novugaasu avaveeye nemioyo miravu, kigira valalola Nyasaye” Matayo 5:8. Mwami Daudi kali niyaali novutugi, neriguuta avasigu veeve vechova, niyiita Goliati navandi, vaalola niiva alirola Nyasaye, akidakaa-

ngi kindu mu mulivamwoyo lirie. Yaahongera kulira mu-mwoyo gwigwe: “Unombere mwoyo mulavu O Nyasaye; Kandi unziranyire roho muhia musu mwange. Zaburi 51:10. Siaveeyeho mundu unyala kwerombera mwoyo gwigwe mwene, naho kwihaanira roho mumwoyo gwigwe netsingulu tsitsie mwene. Kuduuka yaatse ku Nyasaye nomwoyo gwerieganira nerieyama masuule uvwoni vwiwwe kuli Mwami Daudi yaakola, kuli mwana wasuula ise niyebaala, lwayaasuula liaya tsimbitsi, niyiirana kuyise naavoola, nomwoyo gwovuveereri, “Dada ndaagosa imbiru wa Nyasaye na imbiru wovo.” Nyasaye avugiriranga ku-koonya umwoni wosi wutsi kuye nerivoola lierigali no-mwoyo gwerieganira, kigira ni Nyasaye wasuuviritsa nokuvoola, “Ndakuha mwoyo muhia, kandi ndaviika muyive roho muhia.” Ndatulitsa muyive mwoyo mudinyu mumbiri gugwo nandaviika roho gwange muyive nanku-lombe kugenda mumalago gange.” Yiri nelilaga lihia lia Nyasaye yaalomba nkulivoha mu Masaahi ga Yesu Kristo. Mupicha yiye kulolanga engelosi naloleka kandi. “Ingelosi wa Yahova atumikiranga yavo avalinyoola livamwoyo litahera navakumberitsanga kuvodong’ana yavo avatitsa-nga. Yohana. Zaburi 34:7; 91:11; Daniel 6:22; Matayo 2:13,19; 18:10; Vikolwa 5:19; 12:7-10. Setani kandi alo-lekaa mupicha yiye naasingiye ahimbi hamwoyo ahenzere-ranga niiva lwanga lulanyooleka lwokwiranira mumwoyo gwayamenyaa mu. Kunangwa kuvoolerangwa kulinda nokusaala kigira Setani mugaadi wetu, kuli king’ang’a kihumanga nikigenda yiye neyiye niyenya avaanyala ku-mira. 1 Petro 5:8. Muhingire Setani naye alamwiruka Yakobo 4:7

### IPICHA YA SITA

Yiye nipicha yakuvereritsa yomundu wagwa Emoni ndala ijagi kuhana agamannyanga ndi utangi kutsirira, kuva netsindoolo kuvukristayo vwivwe nokutulitsaku mwoyo. Emoni yindi egeritsanga kuhenza yiye neyiye mutsimoni kugeritsa kuyaniza lirova. Uvulavu vwavee-yange mumwoyo vutangi kusima neriehaana liokusariri-tswa halala na Kristo liigoti nasiasingiranga kuvulungi kandi mba. Aveeye hagati hamageritswa nasianyanga ga-muguutanga muvugono vwaduukanaa kuguuta. Kalunu ahuliranga mwoyo gwomugeritsi muvugono vwokuhulira



## MWOYO GUMALI KUGERITSWA NOKUSALAANYWA

mwoyo gwa Nyasaye. Kali naava nageritsanga kuvugana mumakanisa naavisa liyanza lirie lierirova, mumwoyo gwigwe aluhanga kutula ku Nyasaye nokugotitsa vuyanzi vwivwe vwokutanga ku Nyasaye. Eng'ereng'ani yaali mu-mwoyo gwigwe, tsing'anagani tsindahi, visimanga, musalaba gwigwe, gumuliduhiranga. Kalunu ujagi kuhayaha-yitsa mulisuuvira lirie. Waleki kuvooleranga na Nyasaye

mulisaala. Wayivirira liiva liomwoyo gwigwe nawahaani kumugeritsi ulindiriranga hamwoyo heehe.

Mwoyo gwerigulugulu gutangi kwingira. Utangi kuva mwegingiri, kali ahandi yigingira kuva Mkristayo, nayivirira kumanya ndi yaahonywa vutswa kigira tsimbavasi. Lihambika litangaa kwingira mumwoyo gwigwe nelienyanga kwingiritswa. Ahandi wundi mundu amugeritsanga kuvoola nwaku vutswa egilasi ndala naho ijuba ndala, naho avoolanga "ibeer" vutswa nikindu mba. Siaganagannya ndi "ibeer" naho amalwa madoto gaveeye vutswa kuli mugera mukekeke ugutsitsanga kutsuka mumugera munene gwerinwa nerihambika mba. Ahandi mundu mukali alomberanga musatsa navalina veeve amalwa mayitulitsamu avoola, 'Inze mwene sinwetsa mba' navutswa gaduukanaa amannye yetegekitsanga lihambika nayimiriranga avandi kuduuka kuhambika. Navutswa agadangwa nomwoyo gwene yigwo oyo aveeye vulahi. Uvuheyi vutsanga kugeritsa Mkristayo novugaadi vwosi kuli kuhuliritsa kumakuva machamu, kugenda navandu vavolanga amakuva geriiva liommbiri, nanivatumikira makuva madamano. Ayanza kuva mumuganda gwavandu vavinaa tsidanzi nokutsia mutsisenema tsindamano. Naho wundi anyala kumuvoolera ndi, kuvina idanzi kuli vasungu nuvuvi mba. Fana kuvina isugudi nekiriri nivwo vuvi. Kuvina navakali halala vuvulahi vutswa munzira yekisungu. Siaganagannya kumanya ndi ahedanzi iveeye niho ahovuchamu vutulanga: nedanzi yavandu valangaa iyamadiku mahia niyio indamanu kuvita livina liakale. Kali linwa isigala nolugada-lwekisungu viveeye vutswa virala nerinwa lugada lwekimwamu kigira avanwetsanga isigala nolugada lwekisungu vanwetsanga isaa yosi, mmbasu nobudiku. Yesu siyaanwa indama nasigaduukira muloondi weve kunwa indama.

Setani avoleranga mundu uyu, kukola kuvwoni inyinga ndala naho kuheya lulala vutswa nekindu ligali mba. Nindi Setani avolanga kuduuka mundu uyu aduke mulikola liatanyala kwegaya. Ma kalunu tsing'anagani tsia Setani tsitsula mwoyo yigwo ugwali munifu kale.



Mundu ulolekanga natotsa mwoyo nommbano afana-na navandu vachaya nokusuula vukristayo, avatotsanga mioyo namang'ana gerichaya. Mundu uyu sianyala kwikutsira kulinyegana nerichaya liavaandu yavo. Kuvita lwerichaya yiri litulanga kualina veeve. Makuva gaavo gatumitanga mwoyo gwigwe nalwovuyanzi vwa Nyasaye vwatsirira mmwoyo gwigwe, atanganga kutia avandu kuvita Nyasaye; nakuvita litia avoola ndi, "Avandu navavoole ki?" Kalunu aveeye mutugwa womundu nayiranaa inyima mulisuuvira lirie.

Uvuveereri novutima v u t s a n g a kandi munyinga yamaduywa nekivi mavigeritsa kwameha mwoyo gwigwe. Linyegana neriesuha vamanyaa viameha munwa gwigwe ugwayatumikiranga kwitsominya nokusaala Nyasaye. Na niiva Mudamanu anyala kunyoolaku lwanga lukekeke lwokwingiira mwoyo, inzoka wembodoka amanyaa amoola kwingiramu navambalalitsa uvwingiriru kuvandi kwingira.

Ni vudoto kuvugirira liyanza lie tsirubia navutswa nuvulahi kuhenza nowitsulitsa makuva ga Yesu yavoola, "Lindi musaale mutingira mu ligeritswa mba." Matayo 26:41. "Kigira yaga uyu uganagana asingiye ahenze vuhahi gase alagwa: 1 Vakorintho 10:12. Mwevike viuma viosi via Nyasaye, munyale kusingira kuvugaadi vwa Setani. Vaefeso 6:11-18.

### **IPICHA YA SABA**

Ipicha yiyi imannyanga liiva liomwoyo gwomundu wiranaa inyima irolekitsanga ndi lwayanyoola uvulavu, kutsatsama kihaanwa chomwigulu, naava musangi wa Roho Mutakatifu, yaagwa. Kandi irolekitsanga liiva liomundu ukikiri kweganiraku. kali niiva ivangeli yayirwa-tswa kuye nayamumannya liiva liosi, navutswa yadinnya mwoyo gwigwe muvwoni.

Yesu mwene yalolekitsa liiva liomundu wiranaa inyima lwayavoola: "Roho mudamano lwa gu mali kutula kumundu, gugendaa ha tali namatsi nigwenya hagusera: ni gu vuula kunyoola, ma gu vola, Ndirana munyuma y a n g e yantulimu. Lwa gu dukaa gu linyolaa niyeyeywi nihomeywi. Kunangwa gutsia kuleta roho



## MWOYO GWIRANAA INYIMA NAHO UGWADINYA

jindi saba jiveeye midamano kusiira gwene, nijingira ni ji menya mu. Vienyima viomundu uyu ni vidamano kuvita iviembiri. Luka 11:24-27. Gagwiye kuvo kuli lugano lwerigali, Imbwa kwirana kandi kumaluki gayo, nembitsi (inguluve) isingiywe kugalagala muvudohi, 2 Petro 2:22.

Tsimbaaso yitsi tsivoolanga havulavu liiva liomwoyo gwomundu uyu. Uvwoni novugaadi vwavo vwosi vwirani

kumenya nokwameha mwoyo gwigwe. Kali mmoni mwimwe mumannyanga irirana inyima liomwoyo gwigwe. Vulavu nekisundi sivisanganga. Umwoyo sigunyala kuva litemveli lia Nyasaye makandi luhangaywa lwa Setani. Ingelosi, Likuva lia Nyasaye, vitulanga novuveereri, niyekivuka inyima kulola niiva mundu uyu aliganira kandi kuli mwana wibaala kuyise. Ya manya niyimana umwene lwayaali niyikaaye muchayo chetsimbisi: lwayadoola magodo getsimbisi tsialiitsaku nalia niyiguta; navutswa sihaali nowamuha chokulia. Yaalola hayagwira, naagotitsa litsominya lirie, yeeganira navoola: Ndatula nantsie kudada namuvoolere: ndayona imbiri wa Nyasaye nembiri wovo nasinzelolaa ndukaani kandi kulangwa mwana wovc." Kigira lieganira lirie lierigali novuveereri vovwoni vwivwe, dada weve yaamusaameha niyiita kimooli kinetu namwingiritsa hango.

Navutswa kukirolero yiki mundu uyu siaveeye nomwoyo gwerieganira ugunyala kumukoonya kwirana ku Nyasaye, nakugwa havirenge via Yesu, mukuteeva uvusaamehi nokwogitswa uvwoni. Tsing'anagani tsiveeye vutswa kuli itsiasambwa nekivya kihii tsiahaka matsiaku-tsa. Aveeye namatu gokuhulira, navutswa sianyala kuhulira mwoyo gwerigoonya gwa Nyasaye kandi. Aveeye netsimoni kulola, navutswa sianyala kulola luhoongo lunene lwekihadisi ulwayisuundaa kugwamu, Kalunu siaveeye kandi netsimoni naho liitia liokutsitsagirira havulavu muvwoni vwivwe. Setani waita kwameha mwoyo gwigwe nayikalangamu, kuli mwami kunteve yovwami. Fana mbula ichova yerolanga kuva mulahi niyigingira navutswa musi mmwoyo, aveeye kuli kirindwa chavakwa lidohi liravu; musi no vuguundu vwe vigumba viomundu wakutsa nekivihiri chovwoni. Matayo 23:27. Dada wovugaadi wavugula vugone vwaroho wovulungi. Inyama yosi, iveeye vwoni vwosi, viveeye naroho mudamano, kuvikoonya kwameha mwoyo yigu. Kali nageritsandi ave muvoholole kutula kuvadambisi yavo, sianyala kigira yagwa mutugwa wavwo.

Kalunu alolanga agerigali ga Nyasaye yavoola nomutumwa Petro navoola, Niiva avandu avononnya amalago ga Musa vaakutsa, lirava likalaga lirulu ndi kuyavo

avasuuulaa nokuduvagira Mwana wa Nyasaye mutsinduvatiru tsiavo, nokuvalitsa masaahi go Mwana wa Nyasaye agatali matakatifu, navayambakana Roho wetsimbavasi. Vahebraina 10:29-31: 2 Petro 2:1-14.

Muyanze usoomanga kitabu yiki, niiva mwoyo gugwo guveeye kuli uhuliranga ndi ulire ku Nyasaye kutula musi mumwoyo gugwo. Aveeye munyali kandi novuyanzi kuhonnya, kukusameha kandi kukutakasa uvwoni vwosi niiva utsia kuye nomwoyo gwosi gwerigali kweganira. Anyala kuvoha Setani nerihe lirie liosi namukunge kutula mumwoyo gugwo niiva wenyanga akole ndio. Utse kuli mugere waatsa ku Yesu naateva: "Nunyala umbonye" na Yesu yamuvolera: "Nyenya uhone" Mariko 1:40-43. Navutswa nuuva mudinnya mwoyo gugwo nukuyaniza kisuundi kuvita vulavu, uvuhonyi sivuveeyeyo kuive uvukonyi vundi, kigira utovolanga likutsa muvugono vwelivamwoyo, kisuundi muvugono vwovulavu. Varumi 6:23.

## IPICHA YA MUNANE

Hano kunyoolaa mwoni wadinya mwoyo yisuundanga kulikutsa mmbiri gwigwe gwitsuye litsuunwa nomwoyo gwigwe gwitsuye uvutii vwerikutsa. Likutsa (visangalu) naho dada we viguumba viosi, Setani wutsi munyinga itamanyikani kandi itenyeki nerikutsa liumiki mwoni netsimoni tsindulu tsiahovoka itsiokutihitsa. Uvulahi vwosi vwovwoni vufeye mukivi namadanyi gerikutsa kuduuka gatungwi nomwoni uyu. Uvusaaliri vwegehena vugumiyi mwoyo gwigwe. Kali niiva yenyaa kusaala anyoolanga sianyala kwisuunda ku Nyasaye himbi mba, Amang'ana gosi agavalina veeve vavolanga naye siganyala kumukoonya kalunu. Kali uvutugi vwosi uvwayavungitsa mulianza lirie tsirubia sivunyala kusoola mwoyo gwigwe rokuleeta vusoosi kulitsuunwa lirie naho kutambihitsa madiku gerivamwoyo lirie, kali ageritsaa kwitsulitsa Nyasaye, Setatni siamuhetsaa uvwiyangu vwosi mba. Ivindu viosi iviayali niyianza mulirova naavikolaa, kalunu vimukunukira; kali avimiliri veeve vovuchamu sianyala kumukoonya kalunu. Utangi kulola ngani nuvudamanu kugwa kutula mumakono ga Nyasaye. Yeenyanga kulohitsa liiva lirie na Nyasaye ulwayali kwisero (kukidali che li-



### UVUSALIRI VWOMWONI!

kutsa) navutswa nanyoola wachereva kuvita. Avandu tsielfu tsinyingi vakalikaa vutswa nivakutsa vugira kunyoola uvweyangu vwokulungikitsa vuchamu vwavo na Nyasaye lwavavetsanga nivaguvanga. Kunangwa kuvole-rangwa kwenya Nyasaye lwakukiri valahi kandi lwanyoo-leka. Mu vugono vwomwoni ukutsanga uyu nuwasuula kuhulira tsimbavasi novuyanzi vwa Nyasaye mulimanya


lie livamwoyo lilie liosi, alahulira mwoyo gwo mukalagi weve niguvoola: “Twula kuinze ive ulaameywi, utsie muliru gwemihiga nemihiga ugwalomberwa Setani netsingelosi veeve.” Matayo 25:41. Avandu vavikirwa likutsa lulala, inyima walio likalagirwa.” Vahebraina 9:27.

Hano kulolanga ipicha yo Mkristayo mulungi wiku-tsiranga nokuguuta mageritswa madinyu gombbiri halala na Setani. Ageritsangwa mutsimbega tsiosi navutswa yikutsiranga kuduuka kukiheri. Mu Kristo aveeye muguuti, siyatanga vutswa ligerana ku Yesu kuva liolugendo lwo-mkristayo, navutswa, amalanga ligerana lirie nahenza ku Yesu kuva Mwimiri nomuduukitsi werisuuvira lietu. Vahebraina 12:1,2.

Setani neriihe ukumbiritsimwoyo musuuvirifu nageritsaa kunyoola ahanyala kwingirira, nasianyoolaa. Liegingira, liyanza tsirubia mwoyo gwelikayirwa, vigulihitsanga. Muvugono vwe Imbwa ne Engo, kulolanga “Ekole ne Bunda” kigira hali kanyingi uvwoni vwagirunkanyanga muliiva lindi naho kwilanga lieta lindi. Navutswa Mkristayo mudinyu ahenzeritsaa nokumanya vwoni mutsing’ano tsiavwo tsiosi. Kali niiva uvwoni vutsira mulieta lie-dini, naho ingelosi wovulavu, kigira likuva lia Nyasaye na Roho weligali uveeye mwoyo gwigwe, amwimiranga mugeligali gosi namukonya kwavukannya vudamano novulahi. Muvugono vwetsinyama naroho midamano jatsio, unyala kulola umundu navinanga imbiri wewe nekekombe chamalwa mumkono gwigwe, nageritsanga Mkristayo novuyanzi vvelirova yiri neviokuhambikitsa halala nerisivea. Navutswa yivi viosi sivirusuundanga ku Mkristayo

### **IPICHA YA TISA**

wihaana wamala kugwa mukutsu kuvwoni nevierirova mba. Vimusugumanga vutswa kwisuunda ku Nyasaye. Wundi mundu amutotsanga nekivaavi. Uvunyegi, limonya, neritihitsa liavatasuuviraa, na hali kanyingi amang’ana tsana gatulanga kuvandu avaganaganangwa navakristayo nivo avatotsanga mwoyo gwomusuuviri. Navutswa yereminyanga mwene kumakuva ga Yesu yavoola: “Mwinye muveeye novugaasu lwavamunyega nokumukubitsa kivi nokumbehera makuva madamano gosi kigira inze. Muyanze musangale ligali: Kigira madanyi genyu gaveeye mmwigulu. Matayo 5:11,12.



## MWOYO GWELIGUUTA

Uvwoni, nombiri uguveeye INZE, na Setani, vikolanga tsingulu kwavukannya Mukristayo kutula kuvuyanzi vwa Nyasaye. Navutswa novulariri anyala kuvoola: “Ivwaha a la kwa vukanya kutula kuvuyanzi vwa Kristo? Kivi, naho uvusaariri, naho lidambitswa, naho inzala, naho chahonyo, naho uvuhimwa, naho kivaavi? Auwa, mvindu yivi viosi kukiranga kuva avaguuti mu uyu wa-

kuyaanza.” Varumi 8:35-39. Namali kwivoha iviuma viosi viovulwani via Nyasaye, alanyala kusingira mumadiku gekivi namageritsa, mutsingulu tsia Roho Mutakatifu alaguuta lienya liombiri namageritsa gandi gosi. Alolanga ndi Kristo amenyanga mumwoyo gwigwe aveeye netsingulu kuvita Setani nerihe lirie, kigira Kristo uveeye mukwinye aveeye netsingulu kuvita, uyu wamehanga lirova, naye ni Setani. Yesu yaguuta Setani, uvwoni nelikutsa; namuye kukolangwa kuva avaguuti nakunyala kuguuta nokunyoola itaji yelitsominya.

Eng'ereng'ani yetsiganagani tsitsie imulikanga novulavu vunyingi. Mwoyo gwigwe gwitsuuye lisuuvira na Roho Mutakatifu. Engelosi wa Nyasaye uveeye higulu hehe amwitsulitsanga malago manene agahevanga yavo avaguutaa nokwikutsira kuduuka kukiheri. Likunula 2:7, 11, 17, 26: 3:5,13,21.

Musiigo gwe tsirubia uguveeye mwere gumannyanga ndi siguli mwoyo gwigwe gweng'ine ugwanyala Nyasaye, navutswa miandu jije kandi. Muvugono vwokumala tshilingi tsitsie mulihuvaala liovwoni, akoonyanga avadaka, abaananga kidieli cherikumi chavanyoolaa ku Nyasaye, kali akoonyaa hosi ahaanyala nerahaana liovuyanzi. Mutsinzira tsiosi atumikiranga tsirubia tsitsie kuvuyanzi vwa Nyasaye, kuli ligondi lihaananga uvwoya vwalo kuwalituga vugira kwina. Livoho liovukima (mukati) neisutsi vimannyanga ndi amenyanga liiva lirungi nerinifu. Siayenganga vuswage vwivwe amalwa nokulomba wariji naho siyeyononyaa nokulia masaahi nenyama nikutsi. Sialitsaa nokuviika indama mu muulu, kigira yitsulitsanga ndi mmbiri gwigwe guveeye litempeli lia Nyasaye naguduukana kulindwa vulahi. Mwoyo gwigwe gwene gwagwa inyumba yerisaala, navutswa avuganaa siainyanga vugira kutihitswa novukindu naho mmbasu Ayanza kusaala kali ave mulikanisa naho mukengotse chiche. Avungitsanga avenyumba yeeye kusaala kigira amanya vugira lisaala Mkristayo sianyala kumenya vulahi kuli isutsi sinyala kumenya vugira amaatsi. Kitabu kikunuki kimannyanga Ibaibeli, Likuva lia Nyasaye, eveeye kitabu chakunuka kuye ichasoomaa nokuhuliritsamu nerienya liosi. Keveeye kuli itaya yekirenge chiche,



kivavi chokuguuta Setani. Uvukima vwomwoyo gwigwe, kandi amaatsi gasiminyaa vuluhu vwivwe. Yeganga siang'inga mukitabu tsana nokukitumikira kuli ichelolero chokweroleramu kuli aveeye.

Ayanzanga musalaba, ugumwitsulitsanga ndi umwene yavambwa na Kristo nayasimuguka vuhia mulivamwoyo lirie nayenyanga vindu viomwigulu, vindu vielivamwoyo, ivitalolekaa. Yayetegeka kuvugaña na Nyasaye naveeye kuli musaala gwasimikwa ahimbi nomugera gwamatsi nagwamanga kumuhiga gwagwo, lusia lwomuzabibu lwamanga makuyu manyingi. Uvuyanzi vwa Nyasaye vwayitsula mumwoyo gwigwe nasiatitsaa likutsa. Zaburi 1:1-3, Yohana 15:1-14; 1 Yohana 4:18-21.

### IPICHA YA KUMI

Yesu yaavoola: "Inze mbeeye lisimuguka kandi mbeeye livamwoyo. Uyu usuuvira inze kaliva naakutsa alava mwoyo; kuvosi uveeye mwoyo nasuuvira inze sialakutsa mihiga ne mihiga. Yohana 11:25-26." Uyu uhuliranga likuva liange nasuuvira wantuma, aveeye nerivamwoyo lithera mba; kandi sia li nyala kwingira mulikalagirwa navutswa umali kutula mulikutsa kuduuka mulivamwoyo." Yohana 5:24. Likutsa siriveeye novutihitsi novunyali ku Mkristayo kandi kigira likutsa liamala kumirwa neriguuta lio Muhonyi. "Ive likutsa, liguuta lilio liveeye haliha? Ive kihadisi, ulusere lulwo luveeye haliha? Lisantitsa live ku Nyasaye ukuhetsanga liguuta mu Yesu Kristo mwami wetu." 1 Vakorintho 15:54-57.

Umundu wamenya mu Nyasaye siali novutii kukuta. Inyinga yeeye yeriadika kutula mulirova yiri lweduka alatsia novuyanzi livamwoyo lirahi liemihiga nemihiga yengo wa Nyasaye. Mutumwa Paulo yavoola: Nkayirangwa kutsia nduke kuva halala na Kristo kigira yiri niri-rahi kuvita." Vafilipi 1:23. Mkristayo yegombanga kulola mumoni mwa Yesu wamukutsira ku Musalaba nayamuhonnya namasahi gege, Roho Mutakatifu amwitsulitsanga ahayavoola: Mutahenda mioyo jenyu, suuviri Nyasaye, musuuvire Inze kandi. Munyumba ya Dada wange evee-



## LITSIA MWIGULU LIO VUSANGALI

yemu uvumenyo vunyingi, “Kandi ni mba ni ntsia kumu-lombera uvugono, nzitsa kandi kandi ndamwingiritsa inze mwene; ha mbeye inze mwinye kandi mu veho.” Yohana 14:1-14.

‘Emoni ikikiri kulola, kali ugutu gukiri kuhulira kali vikikiri kwingira mumwoyo gwomundu, ivindu viosi via Nyasaye yalombera yavo avamuyanza.’ 1 Vakorintho 2:9. Siluveeyeho lulimi mwirova yimu uluduukiraa kwivaalaa

nokulolekitsa uvugasu vwo Vwami vwomwigulu uvwa-loomberwa yavo avaguutaa mulirova yiri navasuuiraa Yesu Kristo.

Mu picha yerikumi yiye kwitsulitsangwa kulianigira liomwigulu lia uyu usuuvira mu Kristo. Muvogono vwe-visangalu viokutihitsa vierikutsa, kunyala kulola engelosi wa Nyasaye. Engelosi alindiriranga kuvugula mwoyo gwomulungi kugwilannya ku Nyasaye. Umwoyo na Roho vivoholoki kutula muvuhambe vwerimiinika liombiri neritsuunwa liagwo. Kalunu mwoyo gutsitsanga mukiritu cho Mwami wewe wayatumikira namusuuvira lwayaali mulirova kuduuka kulikutsa liriele. Lingiritsa liovuyanzi limulindiriraa mwigulu hango ha Nyasaye no Mwami alimuvoolera: Ukoli vulahi mutumwa mulahi nomusuuvirifu, yingira muvusangali vwo Mwami wovo." Matayo 25:21. Setani siaveeye kandi netsingulu kuyemba. Kigira likutsa liavalungi liveeye novukumi mumoni mwa Nyasaye. Zaburi 116:15. Kandi ndahulira mwoyo gwatula mwigulu niguvoola, Ung'ode, vaveeye novugasu avakutsu vakutsiranga mu Mwami kutula kalunu: Yee Roho avoolaa, vaduuke kusocsa kutula mumiyanzi javo; kigira miyanzi javo jirondekana navo! Likunula 14:13.

Ive Mulina usoomanga Kitabu yiki gakava malahi Nyasaye yakukoonya kuhaana umwoyo gugwo ku Yesu, kigira avolaa: "Mwana muyai wange, Mwana mkana wange, mbe mwoyo gugwo." Alakuha mwoyo muhia nokuvika Roho gwovulungi muyive. Utaleka mwoyo gugwo kukugaada nokukwimirira kuguveera muvuchamu kigira liegomba liagwo, "Kigira uyu usuuviranga mwoyo gwigwe mwene aveeye musiru: Tsing'ano 28:26. Navutswa uyu ugendanga muvulungi alahonywa. Musuule uvwoni vwenyu muhaande kuvulungi kigira amadanyi govwoni nilikutsa navutswa kihanwa'cha Nyasaye keveeye livamwoyo liemihiga nemihiga mu Kristo Yesu. Varumi 6:23.

Mwinye avamwamala kwehaana livamwoyo lienyu ku Nyasaye, mudinye vudinyu kulugano lwaamakuva gadodo, mulisuuvira novuyanzi vuveeye mu Yesu Kristo Mu ve kuli Paulo lwa ya volaa "Kigira mmanya uyu wa nsuuviranga kandi mmanya ligali a nyala kukilinda chanda vika kuye kuduuka ku lidiku yilio" 2 Timoteo 1:12

Mwiyumbake mulisuuvira liveeye litakatifu, musale mu Roho Mutakatifu, mumenye muvuyanzi vwa Nyasaye nimwumiki ku Yesu kuli Munyala no Mumaliritsi vwe lisuuvira lietu, Umwami wa Vami utsanga vwangu.

“Kalunu ku uyu unyala kulinda mwinye muvule kwikigitala nokumusingiritsa imbiri wovukumu vivwe vugira imbala muvuyanzi vunene, kuuyu aveeye Nyasaye yeng’ine Muhonyi wetu kigira Yesu Kristo mwami wetu, vive kuye vukumi novuyanzi netsingulu nerinyala imbiri wetsing’inga tsiosi, kalunu kandi kuduuka mihiga nemihiga. Amini.” Yudasi 24:25.

“Ni kivala kuvita vulavu,  
Ni kulinda inzira inungi  
Kulalola Nyasaye havwene,  
Alombanga tsinyumba tsindahi,  
Vakristayo kuyanza kutsia,  
Hakulimba tsinyimbu tsinyingi,  
Sikunyala kunyoola lukutsu,  
Kulahonga madiku gositsa.

**CHORUS:**

Omwigulu Omwigulu,  
Kulamenya mkivala kirahi,  
Omwigulu Omwigulu  
Kulamenya Mukivala kirahi.

---

**A SPECIAL WORD FROM ANGP**  
**UN MONDE SPÉCIAL DE L'ANGP**  
**UMA PALAVRA ESPECIAL DA ANGP**

This booklet "The Heart of Man" is available in over 538 languages and dialects spoken throughout the world (Africa, Asia, The Far East, South America, Europe, etc.) Our Heart Book is now also available on cell phones, tablets, etc from [www.angp-hb.co.za](http://www.angp-hb.co.za) or as an APP "Heart of Man" on Android phones.

Le livre du "Coeur de l'homme" peut être obtenu en plus de 538 langues et dialectes parlés dans le monde entier, à savoir: Afrique, Amérique, Asie, Extrême Orient, Europe. Notre Livre du Coeur est maintenant aussi disponible sur votre Téléphone cellulaire, plaques, etc. de [www.angp-hb.co.za](http://www.angp-hb.co.za) ou comme une Application "Heart of Man" sur téléphones Android.

Este livro "O Coracao do Homem" é obtido em mais de 538 linguas e dialectos falados em todo o mundo, a saber: (Africa, Asia, America do Sul, Extremo Oriente, Europa, etc). O nosso Livro O Coração do Homem também está agora disponível em telefone celular, tablets, etc. de [www.angp-hb.co.za](http://www.angp-hb.co.za) ou como um aplicativo "Heart of Man" nos telefones celulares Android.



The 10 heart pictures contained in this booklet are also available in the form of large coloured picture charts (86 x 61cm) bound together in a set of 10 pictures. These "Heart Charts" can be obtained with European or African features and are particularly suitable to be used in conjunction with the Heart Book for class-teaching, open air evangelization etc. Kindly contact us to ascertain the latest subsidized price of this chart.

Les 10 images du coeur qui figurent dans ce livre peuvent être obtenues en tableaux de couleur, format 86 x 61 cm, avec des physionomies européennes ou africaines. Ils peuvent être utilisés en même temps que le livre du coeur pour des classes bibliques, a

**l'ecole du dimanche ou lors de reunions de plein air. Soyez aimable de nous contacter pour assurer les derniers prix en cours du tableau.**

**As 10 imagens do coracao, contidas neste livro podem ser obtidas num conjunto de 10 imagens em colorido no tamanho de (86 x 61 cm). Estes "Cartazes do Coracao podem ser obtidos com caracterfsticas Europeias e Africanas e podem ser usados em conjuncao com o mesmo livro em classes de ensino biblico, evangelizacao ou ao ar livre. Agradecemos que nos contacta- se para confirmacao do ultimo preco dos cartazes.**



**Kindly write to us if you are able to assist us with further translations of our free Gospel literature, informing us of the language into which you could translate this Gospel literature. Your assistance would be appreciated.**

**If you have found salvation in Christ, or have been otherwise blessed through our Gospel literature, please let us know. We would like to thank God with you, and remember you further in our prayers.**

**Nous vous invitons a nous contacter pour faire des arrangements concernant de nouvelles traductions de notre litterature, nous informant de la langue dans laquelle vous pouvez traduire cette litterature evangelique. Votre aide sera beaucoup appreciee.**

**Si vous avez trouve le salut en Christ ou si vous avez ete beni par notre litterature, nous vous prions de nous le faire savoir. Nous aimerions remercier Dieu avec vous et prier pour vous.**

**Nos vos convidamos a nos contactar, afim de fazer qualquer arranjo concernente a novas traducoes de nossa literatura em outras lnguas. Vossa assistencia sera muito apreciavel.**

**Se tem encontrado a salvacao em Cristo, ou se tem sido abençoado por intermedio da nossa literatura evangelica, faca o favor de nos**

informar. Pois nos gostaríamos de agradecer a Deus juntamente convosco, e lembra-lo sempre em nossas oracoes.



For free Gospel literature, books and tracts in over 538 languages, write to:

Pour obtenir gratuitement de la litterature evangelique, des livres et des traites en plus de 538 langues, ecrivez a:

Para obter gratufamente a literatura evangelica, livros e folhetos em mais de 538 lnguas diferentes escreva para:

E-MAIL: [info@angp-hb.co.za](mailto:info@angp-hb.co.za)  
[info@angp.co.za](mailto:info@angp.co.za)

**ALL NATIONS GOSPEL PUBLISHERS**

**P.O. Box 2191**

**PRETORIA**

**0001**

**R.S.A.**

**A Gospel Literature Mission financed by donations**  
**Une Mission de litterature evangelique financee de dons**  
**Missao de literatura Evangelica financiada por donativos**

(Reg. No. 1961/001798/08)